



NAQQIISSUT

(Siunnersuut 07.03. 2012-imeersoq aammalu 17.08. 2012-imeersoq taarserpaa)

17. august 2012
07. marts 2012

UKA 2012/115
UPA2012/115

Inatsisartut suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiupparput.

Qanoq iliornikkut meeqqanut meeraaqqanullu kalaallisut atuarusussuseq qaffassarneqarsinnaanersoq pillugu apeqquteqaat aallaavigalugu oqallittoqarnissaanik siunnersuut.

(Inuit Ataqatigiit Inatsisartuni ilaasortaataat)

Tunnqavilersuut:

Inuiaqatigiit kikkugaluartulluunnit atorfissaqartippaat inuiaqatigiit akornanni tarrarsoqati-giissinnaaneq.

Nunatsinni atuakkiorneq inuit atuagassaqaarnissaannut qulakkeerinnittuuginnanngilaq, oqaatsittali ataannarnissaanut ineriartortuarnissaannullu tunnqaviliisuulluni.

Inuiaqatigiit oqaluttuarisaanerannut minnerunngitsumillu ilisimasaqarnerulernerannut atuak-kiorneq qulakkeerinneqataalluni ersersitsisuuvoq. Tamannalumi kalaallisut atuakkiorlut pigin-naasaqarfigaat, aammalu inuiaqatigiinni tamanna atorfissaqartinneqartuassaaq.

Tamaattumillu atuakkiornerup inuiaqatigiinni ineriartortittuarnissaanut sinaakkutit pitsaasuu-nissaat Inatsisartuni ilaasortaasugut pisussaaffigaarput.

Ullumikkut atuakkanik kalaallisuunik saqqummersitsiuarmissamat pisortat tapiissuteqartarput, Inuit Ataqatigiillu isumaqarpugut tamanna ingerlatiinnartariaqartoq. Oqallisigisariaqarparpulli ka-laallisut atuakkianik atuarusussuseq soqutiginninnerlu qanoq qaffassarneqarsinnaanersoq, piviu-sormi tassaavoq meeqqat inuusuttuaqqallu kalaallisut atuakkianik atuarusussusiat ukiuni mak-kunani appariartulersimammat.

Tamanna anigorniartariaqarpoq apeqqutaalerporli qanoq iliornikkut?

Ineriartorfissallu ilagilluinnarpaat atortorissaarutigigut ineriartornermik massakkumiit anne-rusumik atuneq ineriartortitsinerlu. Takorloorneqarluarsinnaavoq ungasissukkut ilinniartit-sinermi atuakkiarineqartartut naqitatut saqqummiunneqartartut digitalinngorlugit saqqum-miunneqarnerisigut atuakkiorlumut iluanaarutaanerulissasut, taamaaliornikkummi atuakkanik tunisassiornermi aningaasartuutit annerit, tassaasut naqiterineq ilioraanerlu atuar-neqarsinnaasunut arlariinnut agguataarneqarsinnaassammata, atuakkiorlumut iluaqutaasussamik.

Kalaallisut atuakkianik atuarusussuseq aamma siuarsaavigineqarsinnaava attaveqaatitigut ator-
torissaarutit nutaaliat, soorlu oqarasuaatit aammalu qarasaasiaaqqat angallattakkat (iPad-it)
atorlugit kalaallit oqaasiinik atuilluni pinnguaatinik ineriartortitsinikkut?

Taamatullu apeqummik naggasiuteqarluta Inuit Atqatigiit neriuppugut angusaqarfiulluatumik
oqallittoqarumaartoq.